

刻毛詩草木鳥獸蟲魚疏卷之上

唐

吳郡陸

幾元恪撰

明

海鹽姚士麟叔祥

校

繡水沈啟先牖生

方秉蘭兮

蘭卽蘭香草也春秋傳曰刈蘭而卒楚辭云紉
秋蘭孔子曰蘭當爲王者香草皆是也其莖葉
似藥草澤蘭但廣而長節上中赤高四五尺漢

諸池苑及許昌宮中皆種之可著粉中故天子
賜諸侯蒞蘭藏衣著書中辟白魚也

采采芣苢

芣苢一名馬舄一名車前一各當道喜在牛跡
中生故曰車前當道也今藥中車前子是也幽
州人謂之牛舌草可鬻與煮同作茹大滑其子
治婦人難產

言采其蕘

蕘今藥草貝母也其葉如栝樓而細小其子在
根下如芋子正白四方連累相着有分解也

谷中有蕘

蕘似萑方莖白華。生節間舊說及魏博士濟
陰周元明皆云菴藺是也韓詩及三蒼說悉云
蕘益母也故曾子見益母感恩案本草云芄蔚
一名益母故刘歆曰蕘臭穢卽芄蔚也

集于苞杞

杞其樹如樗一名苦杞一名地骨春生作羹茹
微苦其莖似莓子秋熟正赤莖葉及子服之輕
身益氣

言采其蕘

蕘今澤蔦也其葉如車前草大其味亦相似徐
州廣陵人食之

蔦與女蘿

蔦一名寄生葉似當盧子如覆盆子赤黑甜美

女蘿今兔絲蔓連草上生黃赤如金今合藥兔
絲子是也非松蘿松蘿自蔓松上生枝正青與
兔絲殊異

有蒲與荷

荷芙蓉江東呼荷其莖茄其葉遶莖下白藕其
花未發爲蓓蓓已發爲芙蓉其實蓮蓮青皮裏
白子爲的匕中有青長三分如鈎爲薏味甚苦
故俚語云苦如薏是也的五月中生生啖脆至

秋表皮黑的成食或可磨以爲飯如粟飯輕身
益氣令人強健又可爲糜幽州揚豫取備饑年
其根爲藕幽州謂之光旁爲光如牛角

參差荇菜

荇一名接余白莖葉紫赤色正圓徑寸餘浮在
水上根在水底與水深淺等大如釵股上青下
白鬻其白莖以苦酒浸之脆美可案酒

于以采蘋

蘋今水上浮萍是也其粗大者謂之蘋小者曰
萍季春始生可糝蒸以爲茹又可用苦酒淹以
就酒

于以采藻

藻水草也生水底有二種其一種葉如鷄蘇莖
大如箸長四五尺其一種莖大如釵股葉如蓬
蒿謂之聚藻扶風人謂之藻聚爲發聲也此二
藻皆可食煮按去腥氣米麪糝蒸爲茹嘉美揚

州饑荒可以當穀食饑時蒸而食之

言采其茆

茆與荇菜相似葉大如手赤圓有肥者著手中滑不得停莖大如七柄葉可以生食又可鬻滑美江南人謂之蓴菜或謂之水葵諸陂澤水中皆有

蕪葭蒼蒼

蕪水草也堅實牛食之令牛肥強青徐州人謂

之蕪兖州遼東通語也葭一名蘆葦一名蘆或謂之荻至秋堅成則謂之荻其初生三月中其心挺出其下本大如箸上銳而細揚州人謂之馬尾以今語驗之則蘆蘆別草也

葭竹漪漪

有草似竹高五六尺淇水側人謂之葭竹也綠竹一草名其莖葉似竹青綠色高數尺今淇澳傍生此人謂此爲綠竹

茗之華

茗一名陵時一名鼠尾似玉芻生下濕水中七八月中華紫似今紫草華可染皂煮以沐髮卽黑葉青如藍而多華

隰有游龍

游龍一名馬蓼葉麓大而赤白色生水澤中高丈餘

食野之萃

萃葉青白色莖似箸而輕脆始生香可生食又可蒸食

干以采繫

繫幡蒿凡艾白色爲幡蒿今白蒿春始生及秋香美可生食又可蒸食一名游胡北海人謂之旁勃故大戴禮夏小正傳云繫游胡游胡旁勃也

菁菁者莪

菁菁者莪

莪蒿也一名蘿蒿生澤田漸洳之處葉似邪蒿而細科生三月中莖可生食又可蒸食香美味頗似萎蒿

言刈其萇

萇。蒿也其葉似艾白色長數寸高丈餘好生水邊及澤中正月根芽生旁莖正白生食之香而脆美其葉又可蒸爲茹

食野之蒿

蒿青蒿也香中炙啖荆豫之間汝南汝陰皆云菽也

采采卷耳

卷耳一名臬耳一名胡臬一名苓耳葉青白色似胡荽白華細莖蔓生可煮爲茹滑而少味四月中生子正如婦人耳中璫今或謂之耳璫草鄭康成謂是白胡荽幽州人呼爲爵耳

贈之以芍藥

芍藥今藥草芍藥無香氣非是也未審今何草
司馬相如賦云芍藥之和揚雄賦曰甘甜之和
芍藥之美七十食也

采葑采菲

葑蔓菁幽州人或謂之芥菲似菑莖粗葉厚而
長有毛三月中蒸鬻爲茹甘美可作羹幽州人
謂之芴爾雅又謂之蕙菜今河內人謂之宿菜
言采其蕨

蕨鼈也山菜也周秦曰蕨齊魯曰鼈初生似蒜
莖紫黑色可食如葵

言采其薇

薇山菜也莖葉皆似小豆蔓生其味亦如小豆
藿可作羹亦可生食今官園種之以供宗廟祭
祀

言采其菑

菑一名菑幽州人謂之燕菑其根正白可著熱

灰中溫噉之饑荒之歲可蒸以禦饑漢祭甘泉
或用之其草有兩種葉細而行亦有臭氣也

薄言采芑

芑菜似苦菜也莖青白色摘其葉白汁出肥可
生食亦可蒸爲茹青州謂之芑西河鴈門芑尤
美胡人戀之不出塞

誰謂荼苦

荼苦菜生山田及澤中得霜甜脆而美所謂荼

荼如飴內則云濡豚包苦用苦菜是也

匏有苦葉

匏葉少時可爲羹又可淹煮極美揚州人食至
八月葉卽苦故曰苦葉

卍有青苕

苕苕饒也幽州人謂之翹饒生莖如勞豆而細
葉似蒺藜而青其莖葉綠色可生食如小豆藿
也

言采其莫

莫莖大如箸赤節匕一葉似柳葉厚而長有毛刺今人纒以取繭緒其味酢而滑始生可以爲羹又可生食五方通謂之酸迷冀州人謂之乾絳河汾之間謂之莫

莫莫葛藟

藟一名巨苾苾似燕莫亦延蔓生葉如艾白色其子赤可食酢而不美幽州謂之推藟

視爾如菽

菽一名芘芘一名荆葵似蕪菁華紫綠色可食微苦

北山有萊

萊草名其葉可食今兗州人蒸以爲茹謂之萊

取蕭祭脂

蕭萩今人所謂萩蒿者是也或云牛尾蒿似白蒿白葉莖麓斜生多者數十莖可作燭有香氣

草木蟲魚通雅卷一
故祭祀以脂蕤之爲香許慎以爲艾蒿非也郊
特牲云旣奠然後蕤蕭合馨香是也

白茅包之

白茅包之茅之白者古用包裹禮物以充祭祀
縮酒用

可以漚紵

紵亦麻也科生數十莖宿根在地中至春自生
不歲種也荆揚之間一歲三收一作今官園種

之歲再割割便生剝之以鋏若竹刮其表厚皮
自脫但得其裏韌如筋者煮之用緝謂之微紵
今南越紵布皆用此麻

印有旨鷓

鷓五色作綬文故曰綬草

南山有臺

臺夫須舊說夫須莎草也可爲簑笠都人士云
臺笠緇撮或云臺草有皮堅細滑緻可爲簑笠

南山多有

茹蘆在阪

茹蘆茅蒐菹草也一名地血齊人謂之茜徐州人謂之牛蔓今圃人或作畦種蔣故貨殖傳云卮茜千石亦比千乘之家

白華菅兮

菅似茅而滑澤無毛根下五寸中有白粉者柔韌宜爲索漚及曝尤善也

蘇蔓于野

蘇似枯樓葉盛而細其子正黑如燕奠不可食也幽州人謂之烏服其莖葉煮以哺牛除熱

匪莪伊蔚

蔚牡蒿也三月始生七月華華似胡麻而紫赤八月爲角角似小豆角銳而長一名馬新蒿

隰有萋楚

萋楚今羊桃是也葉長而狹華紫赤色其枝莖

芴過一尺引蔓于草上今人以爲汲灌重而善
沒不如楊柳也近下根刀切其皮著熱灰中脫
之可韜筆管

芴蘭之支

芴蘭一名羅摩幽州謂之雀瓢柔芴恒蔓于地
有所依緣則起

浸彼包稂

稂童梁禾秀爲穗而不成稊然謂之童梁今

人謂之宿田翁或謂守田也甫田云不稂不莠
外傳曰馬不過稂莠皆是也

言采其遂

遂牛薺揚州人謂之羊蹄似蘆服而莖赤可瀹
爲茹滑而美也多啖令人下氣幽州人謂之遂

梓椅梧桐

梓者楸之䟽理白色而生子者爲梓梓實桐皮
曰椅今人云梧桐也則大類同而小別也桐有

青桐白桐赤桐白桐宜琴瑟今雲南辨柯人績
以爲布似毛布

有條有梅

條楸也今山楸也亦如下田楸耳皮葉白色亦
白材理好宜爲車板能濕又可爲棺木宜陽共
北山多有之梅樹皮葉似豫章葉大如牛耳一
頭尖赤心華赤黃子青不可食枏葉大可三四
葉一藜木理細緻于豫章子赤者材堅子白者

材脆荊州人曰梅終南及新城上庸皆多樟枏
終南與上庸新城通故亦有枏也

北山有梗

梗楸屬其樹葉木理如楸山楸之異者今人謂
之苦楸濕時脆燥時堅今永昌又謂鼠梓漢人
謂之梗

常棣

常棣許慎曰白棣樹也如李而小如櫻桃正白

今官園種之又有赤棣樹亦似白棣葉如刺榆葉而微圓子正赤如郁李而小五月始熟自閩西天水隴西多有之

爰有樹檀

檀木皮正青滑澤與繫迷相似又似駁馬駁馬梓榆其樹皮青白駁犖遙視似馬故謂之駁馬故里語曰斫檀不諦得繫迷繫迷尚可得駁馬繫迷一名挈盃故齊人諺曰上山斫檀挈盃先

殫下章云山有枹棣隰有樹槎皆山隰木相配不宜謂獸

柞械拔矣

柞械三蒼說械卽柞也其材理全白無赤心者爲白桮直理易破可爲犢車軸又可爲矛戟鍛隰有杞夷

棟葉如柞皮薄而白其木理赤者爲赤棟一名桮白者爲棟其木皆堅韌今人以爲車轂

山有杻

杻櫪也葉似杏而尖白色皮正赤爲木多曲少直枝葉茂好二月中葉疏華如棟而細蓋正白蓋此樹今官園種之正名曰萬歲旣取名于億萬其葉又好故種共汲山下人或謂之牛筋或謂之櫪材可爲弓弩榦也

其灌其柶

柶栳葉如榆也木理堅韌而赤可爲車轅

其櫪其楛

櫪河柳生水旁皮正赤如絳一名兩師枝葉似松楛積節中腫以扶老今靈壽也今人以爲馬鞭及杖弘農共北山甚有之

山有樞

樞其針刺如柘其葉如榆淪爲茹美滑于白榆榆之類有十種葉皆相似皮及木理異爾

山有栲

栲葉似櫟木皮厚數寸可爲車輻或謂之栲櫟
許慎正以栲讀爲稷今人言栲失其聲耳

集于苞栩

栩今柞櫟也徐州謂櫟爲杼或謂之爲栩其子
爲阜或言阜斗其殼爲汁可以染阜今京洛及
河內多言杼斗或云櫟斗謂櫟爲杼五方通

語也

無浸穫薪

穫今柳榆也其葉如榆其皮堅韌剝之長數尺

可爲繩索又可爲旣帶其材可爲杯器

集于苞杞

杞柳屬也生水傍樹如柳葉麤而白色木理微
赤故今人以爲車轂今共北淇水傍魯國泰山
汶水邊純杞也

其下維穀

穀幽州人謂之穀桑或曰楮桑荆揚交廣謂之
穀中州人謂之楮殷中宗時桑穀共生是也今

草木蟲魚疏卷一
江南人績其皮以爲布又擣以爲紙謂之穀皮
紙長數丈潔白光輝其裏甚好其葉初生可以
爲茹

榛楛濟濟

楛其形似荆而赤莖似著上黨人織以爲斗筲
箱器又揉以爲釵故上黨人調問婦人欲買楛
不曰竈下自有黃土問買釵不曰山中自有楛
揚之水不流束蒲

蒲柳有兩種皮正青者曰小楊其一種皮紅正
白者曰大楊其葉皆長廣似柳葉皆可以爲箭
幹故春秋傳曰董澤之蒲可勝旣乎今人又以
爲箕箒之楊也

蔽芾其樗

山樗與下田樗略無異葉似差狹耳吳人以其
葉爲茗

椒聊之實

草木蟲魚疏卷上
椒聊^上語助也椒樹似茱萸有針刺莖葉堅而滑澤蜀人作茶吳人作茗皆合煑其葉以爲香今成臯諸山間有椒謂之竹葉椒其樹亦如蜀椒少毒熱不中合藥也可著飲食中又用蒸鷄豚最佳香東海諸島上亦有椒樹枝葉皆相似子長而不圓甚香其味似橘皮島上麋鹿食此椒葉其肉自然作椒橘香也

山有苞櫟

苞櫟秦人謂柞爲櫟河內人謂木蓼爲櫟椒櫟之屬也其子房生爲椌木蓼子亦房生

食鬱及薏

鬱其樹高五六尺其實大如李色赤食之甘

樹之榛栗

榛栗屬有兩種其一種之皮葉皆如栗其子小形似杼子味亦如栗所謂樹之榛栗者也其一種枝葉如木蓼生高丈餘作胡桃味遼東上黨

皆饒山有榛之榛枝葉似栗樹子似橡子味似
栗枝莖可以爲燭五方皆有栗周秦吳揚特饒
吳越被城表裏皆栗唯漁陽范陽栗甜美長味
他方者悉不及也倭韓國諸島上栗大如鷄子
亦短味不美桂陽有辛栗藜生大如杼子中仁
皮子形色與栗無異也但差小耳又有奧栗皆
與栗同子圓而細或云卽辛也今此惟江湖有
之又有茅栗佳栗其實更小而木與栗不殊但
春生夏花秋實冬枯爲異耳

標有梅

梅杏類也樹及葉皆如杏而黑耳曝乾爲腊置
羹臠壺中又可含以香口

蔽蒂甘棠

甘棠今棠藜一名杜藜赤棠也與白棠同耳但
子有赤白美惡子白色爲白棠甘棠也少酢滑
美赤棠子澁而酢無味俗語云澀如杜是也赤

棠木理韌亦可以作弓幹

唐棣之華

唐棣與李也一名雀梅亦曰車下李所在山中皆有其花或白或赤六月中成實大如李子可食

隰有樹檉

檉一名赤蘿一名山梨今人謂之楊檉其實如梨但實甘小異耳一名鹿梨一名鼠梨齊郡廣饒縣堯山魯國河內共北山中有今人亦種之

極有脆美者亦如梨之美者

北山有枸

枸樹山木其狀如櫨一名枸骨高大如白楊所
在山中皆有理白可為函板枝柯不直子著枝
端大如指長數寸噉之甘美如飴八九月熟江
南特美今官園種之謂之木蜜古語云枳枸來
巢言其味甘故飛鳥慕而巢之本從南方來能
令酒味薄若以為屋柱則一屋之酒皆薄

顏如舜華

舜一名木槿一名櫬一名曰椴齊魯之間謂之
王蒸今朝生暮落者是也五月始花

故月令仲夏木槿榮

采荼薪樗

樗樹及皮皆似漆青色耳其葉臭

唯筍及蒲

筍竹萌也皆四月生唯巴竹筍八月九月生始
出地長數寸鬻以苦酒豉汁浸之可以就酒終

刻毛詩草木鳥獸蟲魚疏卷之下

唐 吳郡陸 璣元恪撰

新安吳懷古今定

金陵張可仕文寺校

明

鳳皇于飛

鳳雄曰鳳雌曰皇其雛爲鸞鸞或曰鳳皇一名
鷗非梧桐不棲非竹實不食

鶴鳴于九臯

鶴形狀大如鶩長三尺脚青黑高三尺餘赤頂赤目喙長四寸餘多純白亦有蒼色蒼色者人謂之赤頰常夜半鳴淮南子亦云鷄知將旦鶴知夜半其鳴高亮聞八九里雌者聲差下今吳人園囿中及士大夫家皆養之鷄鳴時亦鳴

鶴鳴于垤

鶴鶴雀也似鴻而大長頸赤喙白身黑尾翅樹上作巢大如車輪卵如三升杯望見人按其子

今伏徑舍去一名負釜一名黑虎一名背竈一名皂裙又泥其巢一傍爲池含水滿之取魚置池中稍_匕以食其雛若殺其子則一村致旱災

駝彼晨風

晨風一名鷓似鷓青黃色燕含鈎喙嚮風搖翅乃因風飛急疾擊鳩鴿燕雀食之

駝彼飛隼

隼鷓屬也齊人謂之擊征擊一作鷓或謂之題肩肩一作鷓

作或謂之雀鷹春化爲布穀者是也此屬數種皆爲隼

有集維鷓

鷓微小于翟也走而且鳴曰鷓其尾長肉甚美故林慮山下人語曰四足之美有鹿兩足之美有鷓庶者似鹿而小

關上睢鳩

睢鳩大小如鳩深目上骨露出幽州人謂之鷓

鳴鳩在桑

鳴鳩鵲鳩今梁宋之間謂布穀爲鵲鳩一名擊穀一名桑鳩按鳴鳩有均一之德飼其子且從上而下暮從下而上平均如一

宛彼鳴鳩

鳴鳩今雲南鳥大如鳩而黃啼鳴相呼不同集謂金鳥或云黃當爲鳩聲轉故名移也又云鳴鳩一名爽又云是鷓

翻七者雛

雛其今小鳩也一名鷓鳩幽州人或謂之鷓鴣
梁宋之間謂之雛揚州人亦然

春令在原

春令大如鷓雀長脚長尾尖喙止青灰色腹
下白頸下黑如連錢故杜陽人謂之連錢

黃鳥于飛

黃鳥黃鸝也或謂之黃栗留幽州人謂之黃

鸞或謂之黃鳥一名倉庚一名商庚一名鷓黃
一名楚雀齊人謂之搏黍閩西謂之黃鳥當甚
熟時來在桑間故里語曰黃栗留看我來黃甚
熟亦是應節趨時之鳥或謂之黃袍

鷓鴣

鷓鴣似黃雀而小其喙尖如錐取茅莠爲巢以
麻紮之如刺襪然懸著樹枝或一房或二房幽
州人謂之鷓鴣或曰巧婦或曰女匠閩東謂之

工雀或謂之過羸閔西謂之桑飛或謂之襍雀
或曰巧女

交_七桑扈

桑扈青雀也好竊人脯肉脂及膏故曰竊脂

肇允彼桃蟲

桃蟲今鷦鷯是也微小于黃雀其雛化而爲鷗
故俗語鷦鷯生鷗

振鷺于飛

鷺水鳥也好而潔白故謂之白鳥齊魯之間謂
之春鉏遼東樂浪吳揚人皆謂之白鷺大小如
鷗青脚高尺七八寸尾如鷹尾喙長三寸所頭
上有毛十數枚長尺餘毳_七然與衆毛異甚好
將欲取魚時則弭之今吳人亦養焉好羣飛鳴
楚威王時有朱鷺合沓飛翔而來舞則復有赤
者舊鼓吹朱鷺曲是也然則鳥名白鷺赤者少
耳此舞所持_七其白羽也

維鷓在梁

鷓水鳥形如鷓而極大喙長尺許直而廣口中
正赤領下胡大如數升囊好羣飛澤中有
魚便羣共抒水滿其胡而棄之令水竭盡魚在
陸地乃共食之故曰淘河

鴻飛遵渚

鴻鵠羽毛元澤純白似鶴而大長頸肉美如鴈
又有小鴻大小如鳧色亦白今人直謂鴻也

弋鳧與雁

鳧大小如鴨青色卑脚短喙水鳥之謹願者也

肅肅鵠羽

鵠鳥似雁而虎文連蹄性不樹止樹止則爲苦
故以喻君子從征役爲危苦也

翩彼飛鷓

鷓大如斑鳩綠色惡聲之鳥也入人家凶買誼
所賦鷓鳥是也其肉甚美可爲羹臠又可爲炙

漢供御物各隨其時唯鴉冬夏常施之以其美故也

流離之子

流離梟也自關而西謂梟爲流離其子適長大還食其母故張奐云鴟鴞食母許慎云梟不孝鳥是也

麟之趾

麟麇身牛尾馬足黃色圓蹄一角角端有肉音

中鐘呂行中規矩遊必擇地詳而後處不履生蟲不踐生草不羣居不侶行不入陷阱不罹羅網王者至仁則出今并州界有麟大小如鹿非瑞麟也故司馬相如賦曰射麋脚麟謂此麟也于嗟乎騶虞

騶虞卽白虎也黑文尾長于軀不食生物不履生草君王有德則見應德而至者也

有熊有羆

熊能攀緣上高樹見人則顛倒自投地而下冬
多入穴而蟄始春而出脂謂之熊白羆有黃羆
有赤羆大於熊其脂如熊白而麤理不如熊白
美也

羔裘豹飾

豹赤豹毛赤而文黑謂之赤豹毛白而文黑謂
之白豹

獻其貔皮

貔似虎或曰似熊一名執夷一名白狐其子爲
毅遼東人謂之白羆

狼跋其胡

狼牡名獾牝名狼其子名微有力者名迅其鳴
能小能大善爲小兒啼聲以誘人去數十步止
其敏捷者人不能制雖善用兵者亦不能免也
其膏可煎和其皮可爲裘

教猱升木

獼猴也楚人謂之沐猴老者爲獼長臂者爲
狻之白腰者爲獼胡獼胡狻駿捷于獼猴其
鳴噉噉而悲

有鱣有鮪

鱣出江海三月中從河下頭來上鱣身形似龍
銳頭口在頷下背上腹下皆有甲縱廣四五尺
今于盟津東石磧上釣取之大者千餘斤可蒸
爲臠又爲鮪子可爲醬鮪魚形似鱣而色青黑

頭小而尖以鐵堯蓋口在頷下其甲可以磨薑
大者不過七八尺益州人謂之鱣鮪大者爲王
鮪小者爲叔鮪一名鮪肉色白味不如鱣也今
東萊遼東人謂之尉魚或謂之仲明魚仲明者
樂浪尉也溺死海中化爲此魚又河南鞏縣東
北崖上山腹有穴舊說此穴與江湖通鮪從此
穴而來北入河西上龍門入漆沮故張衡賦云
王鮪岫居山穴爲岫謂此穴也

維魴及鯁

魴今伊洛濟潁魴魚也廣而薄肥恬而少力細鱗魚之美者漁陽泉物刀口遼東梁水魴特肥而厚尤美于中國魴故其鄉語居就糧梁水魴鯁似魴厚而頭大魚之不美者故里語曰網魚得鯁不如嚼茹其頭尤大而肥者徐州人謂之鯁或謂之鱠幽州人謂之鴉鷓或謂之胡鱠

魚麗于罾魴鯉

魴鯉爾雅曰鯉鯢也許慎以爲鯉魚璣以爲似鯉頰狹而厚

九罭之魚鱒魴

鱒似鯉魚而鱗細于鯉也赤眼多細文

魚麗于罾鱒魴

鱒一名揚合黃頰魚似燕頭魚身形厚而長骨正黃魚之大而有力鮮飛者今江東呼黃鱒魚一名黃頰魚尾微黃大者長尺七八寸許鯊吹

沙也似鯽魚狹而小體圓

而有黑點一名重唇
齋鯊常張口吹沙

象弭魚服

魚服魚獸之皮也魚獸似猪東海有之一名魚
狸其皮背上斑文腹下純青今以爲弓韃步叉
者也其皮雖乾燥以爲弓韃矢服經年海水將
潮及天將雨其毛皆起水潮還及天晴其毛復
如故雖在數千里外可以知海水之潮氣

自相
感也

鼉鼓逢逢

鼉形似蜥蜴四足長丈餘生郊大如鴛郊甲如
鎧今合葉鼉魚甲是也其皮堅厚可以冒鼓

成是貝錦

貝水中介蟲也龜鼈之屬大者蚌小者爲貝其
文彩之異大小之殊甚衆古者貨貝是也餘砥
黃爲質以白爲文餘泉白爲質黃爲文又有紫
貝其白質如玉紫點爲文皆行列相當其大者
常有徑一尺小者七八寸今九真交

趾以爲杯
盤實物也

蝥斯

爾雅曰蝥蚣蝥也楊雄云春黍也幽州人謂之春箕春箕卽春黍蝗類也長而青長角長股青色黑斑其股似玳瑁文五月中以

兩股相搓作聲聞數十步

啜啜草蟲

草蟲常羊也大小長短如蝗奇音青色好在茅草中今人謂蝗子爲蝥子兗州人謂之蝥

趯^匕阜蝥

阜蝥蝗子一名負蝥今人謂蝗子

爲蝥子兗州人亦謂之蝥

莎鷄振羽

莎鷄如蝗而斑色毛翅數重翅正赤或謂之天鷄六月中飛而振羽索土作聲幽州謂之蒲錯去其螟螣及其蝥賊

螟似野蚘而頭不赤螣蝗也賊桃李中蠹蟲赤頭身長而細耳或說云蝥螻蛄食苗根爲人害許慎云吏真人犯法卽生螟吏乞貸則生蝥吏

祇冒取人財則生蠱舊說云螟蛉蝨賊一種蟲也如言寇賊奸宄内外言之耳故犍爲文學曰此四種蟲皆蝗也實不同故分釋之

螟蛉有子

螟蛉者犍爲文學曰桑上小青蟲也似步屈其色青而細小或在草葉上裸羸土蜂也一名蒲盧似蜂而小腰故許慎云細腰也取桑蟲負之于木空中或書簡筆筒中七日而化爲其子里

語曰呪云象我象我

蟋蟀在堂

蟋蟀似蝗而小正黑有光澤如漆有角翅一名蜚一名蜻蛚楚人謂之王孫幽州人謂之趣織督促之言也里語曰趨織鳴懶婦驚是也

蜉蝣之羽

蜉蝣方土語也通謂之渠略似甲蟲有角大如指長三四寸甲下有翅能飛夏月陰雨時地中

出今人燒炙噉之美如蟬也樊光曰是糞中蠋
蟲隨雨而出朝生而夕死

如蜩如蟪

鳴蜩蟬也宋衛謂之蜩陳鄭云琅海岱之間謂
之蟪通語也

蟪蟬之大而黑色者有五德文清廉儉信一名
蟪蛄一名蛄蟪青徐謂之蟪蟪楚人謂之蟪蛄
秦燕謂之蟪蛄或名之蟪蛄

伊威在室

伊威一名委黍一名鼠婦在壁根下甕底土中
生似白魚者是也

蠨蛸在戶

蠨蛸長跣一名長脚荊州河內人謂之喜母此
蟲來著人衣當有親客至有喜也幽州人謂之
親客亦如蜘蛛爲網羅居之

碩鼠

樊光謂卽爾雅鼯鼠也許慎云鼯鼠五伎鼠也
今河東有大鼠能人立交前兩脚于頸上跳舞
善鳴食人禾苗人逐則走入樹空中亦有五伎
或謂之雀鼠其形大故叙云石鼠也魏今河東
河北縣也詩言其方物宜謂此鼠非今大鼠又
不食禾苗本草又謂蝼蛄爲石鼠亦五伎古今
方土名蟲鳥物異名同故異也

如鬼如蜮

蜮短狐也一名射影如龜二足江淮水濱皆有
之人在岸上影見水中投人影則殺之故曰射
影也南方人將入水先以瓦石投水中令水濁
然後入或曰含細沙射人入人肌其創如疥

卷髮如蠶

蠶一名杜伯河內謂之蚊幽州謂之蠟

胡爲虺蜴

虺蜴一名蝶螈蜴也或謂之蛇医如蜥蜴青綠

草木蟲魚疏卷下
色大如指形狀可惡

頽如蝻

蝻生糞中爾雅曰蝻蝻也蝻蝻蝻也

魯詩

申公培魯人少事齊人浮丘伯受詩爲楚王太子戊傳及戊立爲王胥靡申公申公媿之歸魯以詩經爲訓以教無傳疑是爲魯詩于是蘭陵王臧代趙綰皆從申公受學臧爲郎中今行爲

御史大夫皆以明堂事自殺其他弟子如同郡臨淮太守孔安國膠西內史周霸城陽內史夏寬東海太守碭魯賜長沙內史蘭陵繆生膠西中尉徐偃膠東內史鄒人闕門慶忌治官皆有廉節稱申公卒瑕丘江公盡能傳之以授魯許生免中徐公而韋賢治詩事江公許生至丞相傅子玄成亦至丞相及兄子賞以詩授哀帝至大司馬由是魯詩有韋氏學而東平王式以事

徐公許生爲昌邑王師其後山陽張長安東平唐長賓沛褚少孫亦先後事武爲博士由是又有張唐褚氏之學張生兄子游卿以詩授元帝爲諫大夫其門人瑯琊王扶爲泗水中尉陳留許晏爲博士由是張家更有許氏學初薛廣德亦事王武以博士論石渠授龔舍廣德至御史大夫舍至山陽太守時平原高嘉亦以詩授元帝爲上谷太守傳子容少爲光祿大夫孫詡以

父任爲郎中以世傳魯詩知名王莽時逃去不仕又有曲阿包咸師事博士右師細君習魯詩亦去歸鄉里世祖卽位徵詡爲博士至大司農咸舉孝廉除郎中至大鴻臚永平初任城魏應亦以習魯詩爲博士徵拜騎都尉卒于官

齊詩

轅固生齊人以治詩孝景時爲博士竇太后好老子書召問固曰此家人言耳太后怒令固刺

魏帝憐之以利兵與固魏應手倒後帝以固廉
直拜爲清河王太傅固老罷歸已九十餘矣公
孫弘亦事固授昌邑太傅夏侯始昌始昌授
東海剡人后蒼爲博士至少府蒼授諫大夫
翼奉前將軍蕭望之丞相匡衡授大司空琅
邪師丹高密太傅伏理詹事潁川滿昌由是齊
詩有翼匡師伏之學滿昌又授九江張邯琅邪
皮容皆至大官其後伏黯傳理家學改定章句
作解說九篇位至光祿勳以授嗣子恭以黯
任爲郎永平中拜司空恭刪黯章句定爲二十
萬言年九十卒又蜀郡任末廣漢景鸞皆以明
習齊詩教授著述而卒

韓詩

韓嬰燕人景帝時爲常山太傅嬰推詩之意而
作內外傳其言頗與齊魯間殊淮南賁生受之
燕趙間言詩者由韓生河內趙子事嬰授同國

蔡誼上至丞相誼授同國食子公與王吉爲昌
邑王中尉食生爲博士授泰山豐吉上授淄川
長孫順上爲博士豐爲部刺史由是韓詩有王
食長孫之學豐授山陽張順上授東海髮福皆
至大官建武初博士淮陽薛漢傳父業尤善說
災異識緯受上定圖識當世言詩推爲長後爲
千乘太守坐事下獄死弟子犍爲杜撫會稽澹
臺敬伯鉅鹿韓伯高最知名撫定韓詩章句建

初中爲公車令卒官其所作詩題約義通學者
傳之曰杜若注撫授會稽趙熹上舉有道時又
有光祿勳九江召馴閩中令巴郡楊仁山陽張
匡皆習韓詩匡爲作章句舉有道徵博士不就

毛詩

孔子刪詩授卜商上爲之序以授魯人魯身授
魏人李克上授魯人孟仲子仲子授振牟子振
牟子授趙人荀卿荀卿授魯國毛亨上作詁訓

傳以授趙國毛萇時人謂亨爲大毛公萇爲小
毛公以其所傳故名其詩曰毛詩萇爲河間獻
王博士授同國貫長卿長卿授阿武令解延年
延年授徐敖亡授九江陳俠爲新莽講學大夫
由是言毛詩者本之徐敖時九江謝曼卿亦善
毛詩乃爲其訓東海衛宏從曼卿受學因作毛
詩序得夙雅之旨世祖以爲議郎濟南徐巡師
事宏亦以儒顯其後鄭衆賈逵傳毛詩馬融作
毛詩傳鄭玄作毛詩箋然魯亡韓詩
三氏皆立博士惟毛詩不立亡士耳

卷下終

